



Florence Leung

<  
>

06/04/2008 23:11

To beStrong@fhb.gov.hk

cc

bcc

Subject 強醫金意見

Urgent  Return receipt  Sign  Encrypt

敬啓者:

有關強醫金,本人及家人有以下意見:

1. 最大問題就係政府缺錢，本人及丈夫都極度讚成開銷售稅，人人有份比就最公平，不需再諗埋些算成草的方案；
2. 若然要落實強醫金，最好每人只需一份基本住院，若有特殊情況，政府要補貼。無工作，65歲以上不用買，低收入及綜援戶，要支付部份保費，其餘政府出，這樣已大大幫輕政府；
3. 現在提出的方案針對性討論第6項，根本政府已有8，9成採用，假民主，現在提供資料有限，貿貿然要選擇其中一項，之後就任醫管局宰割，毫無保障；
4. 為什麼只有一萬元以上才要供款呢？是否要我們這班人一齊去供養無供款的人呢？5%絕對不是少數目，我們家庭月入約3萬，但要供仟伍元，1萬元5%好似好少，但3萬元就好多，我哋呢群人要供樓，供養雙方父母，儲起退休金，預留讀書或養小朋友，所餘無幾，所以5%係極多；
5. 遇有病時保費不能覆蓋，就要在自己儲蓄內扣除，若好彩醫得好，但錢已用得八八九九，之後若要再用又無的時候，政府是否助視不理？
6. 我唔知點解要由政府幫我們儲錢，我們這群人已有買開保險及投資，而政府強行要我們儲錢，最後若用剩時，就當遺產，對我們或不生小孩的一群真係諷刺，供生供死，他日要留給他人或捐給慈善機構；
7. 政府提出若落實，會全力監管成個保險制度，點解現在唔立即監管？現在的保險有買又驚無買又驚，因不知會否講漏一樣半樣就到頭來白供一場，所以才會弄至有買保險的人都會去政府醫院睇病，政府其實可以做好些，就可減少使用率；
8. 這點相信好多人都有提出，就係買咗後的行政費及雜費點計？是否又是強積金一樣，錢就落晒“任志剛”及基金公司手裡？到頭嚟保費就年年加，要用時候又話唔夠，只有玩死我哋；
9. 以我所知其他國家，僱主係有需要去供款，點解沒有提及，是否怕牽連太大呢？即係我哋這班人好蝦，唔好唔記得，50萬中產人士上街遊行，不要輕視我們的力量；
10. 政府預留500億，又話可能每人分些放入自己戶口，每人可分幾多呢？筆數咁大政府點解唔去穩健投資，用來保貼我們呢？
11. 總括以上，本人極度不贊成“強醫金”，政府要錢應該開新稅項，一些奢侈品及有錢人的玩意，絕對不應免稅，難度政府只會討好商家及有錢人？只會向我們夾心階層開刀，這實太無良！

---

出差或去旅遊時，你可以隨時隨地用全新的 [Yahoo! Messenger 網上版](#) 跟你的朋友即時通訊及查詢對話訊息紀錄!